



風陵文庫

風陵文庫
文庫19
F 221
5



樂邦文類卷第五

四明石芝沙門

宗曉

編次

賦銘各一家

神棲安養賦

智覺禪師

延壽

進安養賦奉制文

吳越錢王

倣

日觀銘

慈雲懺主

遵式

偈六家

畫阿彌陀佛像偈

東坡居士蘇

軾

釋華嚴賢首讚佛偈

慈雲懺主

遵式

依脩多羅立往生偈

同前

寫彌陀經施發願偈

同前

姚行婆日輪見佛偈

妙行法師

讚喻彌陀偈

朝議大夫丁

頌二十家

十六觀頌 二十三首

慈雲懺主

遵式

十六觀頌 十六首

檀菴法師

有嚴

十六觀頌 二十四首

大智律師

元照

勸化徑路修行頌

京師比丘

善導

勸念佛頌 四首

慈覺禪師

宗曉

西方淨土頌 十三首

同前

觀佛三昧頌

檀菴法師

有嚴

勸念佛頌 五首

慈受禪師

懷深

示陳行婆頌 三首

慈辯法師

從諫

勸修淨業頌 二首

大智律師

无照

化導念佛頌 三首

清照律師

慧亨

念佛心要頌

卓菴法師

道因

雕彌陀香像頌

解空法師

可觀

頌淨土并碎世

法鏡法師

若愚

稱讚西方頌

幻住居士任

處

勸修淨土頌

桐江法師

擇瑛

白蓮淨杜頌

右街鑒義

從正

淨業佛魔頌

壽安法師

良弼

勸修淨業頌

昌國宰王

存之

勸世念佛頌

失作人名

二十一家

淨土讚

晉康樂謝

靈運

念佛三昧詩四首

晉琅琊王

喬之

念佛三昧詩四首

慈雲懺主

遵式

別李祕書始興寺所居

草堂先生杜

子美

東林寺臨水坐

香山居士白

居易

弔天竺寶月大師

東坡居士蘇

軾

除夜并三四句

后山居士陳

無已

錢唐勝事寄馬侍郎

慈雲懺主

遵式

瑞竹悟老種蓮

次公楊

傑

廬山白蓮社

禦溪釋

懷悟

贈彌陀道者

直閣黃

誥

十六觀近體詩十六首

沙門

冲默

廬山蓮社二首

監簿喻

良能

次韻蓮社

釋褐

淳叟

廬山十八賢

東溪釋

祖可

懷安養故鄉詩 四首

檀菴法師

有巖

懷西方詩 并五言二首

北山講僧

可旻

湖州覺海彌陀閣

祠部張

景脩

西歸軒詩

蘿月禪師

曇瑩

憶佛軒詩 十首

雪溪首座

希顏

讀往生傳有感

雲菴法師

了洪

淨土詠史

叙佛化緣并製作
意共二十五首

西湖居士李

濟

詞 七家

和淵明歸去來兮

給事馮

檝

擬淵明歸去來兮

幻住任

鬼

追和淵明歸去來

拙菴律師

戒度

讚淨土漁家傲

并詩各
二十首

北山講僧

可旻

讚西方漁家傲

西余禪師

法端

娑婆苦望江南

六首

白雲法師

淨圓

西方好望江南

六首

同前

此處有極淡的墨迹，似為後人書寫或刻印的殘留，內容難以辨認。

神棲安養賦

智覺禪師

延壽

彌陀寶刹安養嘉名處報土而極樂於十方而最清二八觀
門修定意而冥往四十太願運散心而化生爾乃畢世受持
一生歸命仙人乘雲而聽法空界作唄而讚詠紫金臺上
身登而本願非虛白玉毫中神化而一心自慶詳夫廣長舌讚
十刹同宣但標心而盡契非率意而虛傳地軸迴轉天華散
前一念華開見佛而皆登妙果千重光照證法而盡顯先賢
考古推今往生非一運來而天樂盈空時至而異香滿室一
真境內現相而雖仗佛威七寶池中觀境而皆從心出故知
聖旨難量感應猶長變凡成聖而頃刻即迷為悟而昭彰探

卷第五 五

出仙書真是長生之術指歸淨刹永居不死之鄉更有出世
高人處塵大士焚身臂以發行掛曾捧心而立軌仙樂來迎
而弗從天童請命而不喜或火烈山頂光明境裏絕聞惡趣
之名永拋胎獄之鄙眼開舌固而立驗牛觸雞鷓而忽止處
鐵城而拒王勅須徇丹心坐蓮臺而賴佛恩難拋至理其或
誹謗三寶破壞律儀逼風力解體之際當業鏡照形之時遇
知識現不思議釵林變七重之行樹火車化八德之蓮池地
獄消沉湛爾而怖心全息天華飛引俄然而化佛迎之慧眼
明心香爐墮手應識而蓮華不萎得記而寶林非久奇哉佛
力難思古今未有

禪師一志西方極言洪贊也如此至於萬善同歸亦力勸
修治乃知通人無吝惠利多方校之滯寂沉空者遠矣是
賦師自有注本事廣文長此不暇錄也觀所屬皆經文妙
語及往生傳中靈跡惟博古尚道者觀茲綱要自悉綱目矣

進安養賦奉制文

吳越國王錢

俶

進呈奉制具悉嘗聞安養國中彌陀淨土萬化將息一念不
迷托彼聖胎易於返掌信及非及俱是真如予踐康莊坦然
明白師提攜四眾綱紀一乘勸我以白月之因助我以青蓮
之果今天善友非師而誰媿認之懷早暮斯在故茲獎諭想
宜知悉遣書指不多及

日觀銘并序

慈雲懺主

導氣

天禧四年太歲庚申春二月癸未朔十有三日乙未者聞飛
來安丰之南古天竺寺宋沙門遵式於寺東嶺香林洞側造日
觀庵成乃題石作日觀銘出十六觀經

具彼曜靈如璧之英心乎葵傾蒙汜餘光六龍轂行如鼓在懸

履霜相堅至存乎著明導想冥方戒神遊征室其在斯

故面長庚

畫阿彌陀佛像偈并序 東坡居士

軾

錢塘元照律師普勸道俗歸誠西方極樂世界眉山蘇軾敬

捨亡母蜀郡太君程氏簪珥遺物命匠胡錫畫阿彌陀佛像
追薦冥福以偈頌曰

佛以大圓覺 充滿十方界 我以顛倒想 出沒生死中

云何以一念 得往生淨土 我造無始業 一念便有餘

既從一念生 還從一念滅 生滅滅盡處 則我與佛同

如投大海中 如風中鼓橐 雖有大聖智 亦不能分別

願我先父母 及一切衆生 在處為西方 所遇皆極樂

人人無量壽 無去亦無來

釋華嚴賢首讚佛偈

慈雲懺主

遵式

又放光明名見佛 此光覺悟將終者 令隨悟念見如來

命終得生其淨土

見有臨終勸念佛 及示尊像令瞻敬 俾於佛所深歸仰 是故得成此光明

此二偈者前四句讚佛放光其光名為見佛能令臨終者見佛往生後四句讚佛修此光明之因其因者只是勸臨終人念佛并示其佛像故成佛時得此光明今廣施此偈者蓋勸深信者凡遇眷屬及一切人臨命終時先於床前安置佛像令彼眼見及勸令念佛若痛苦所逼或先無信心不肯念佛者亦須種種方便勸令稱佛下至十念得滅重罪生佛淨土此一利益不可思議若勸得一人生淨土縱自不修行亦合

得生佛國况當來成佛能放光明照一切衆生臨終見佛也多見世人為恩愛故聚頭哭泣不思救度苦哉苦哉名為惡知識也恩愛所牽墮落惡道無解脫期世間有五種人不肯念佛一者先無信心二者戀著財寶三者不捨妻子四者自惜身命五者罪業所障死墮地獄願早覺悟

依修多羅立往生正信偈

同前

若人能誦持此偈得三種利益一得常持諸大乘經首題名字二得增長淨土信心三令聞者深信淨土若遇臨終者高聲誦一返二返然後勸令念佛

稽首西方安樂刹 弥陀世主本慈尊 我依種種修多羅 成就往生決定信

住大乘者清淨心 十念念彼無量壽 臨終夢佛定往生

大寶積經如是說 值善知識發猛心 十念稱佛即往生

五逆地獄眾火現 下至十念即往生 若不尔者不成佛

十六觀經如是說 若有歡喜信樂心 唯除五逆謗正法

四十八願如是說 一念迴向即往生 此人氣絕即往生

諸有聞名生至心 但作生意知有佛 展轉相勸同往生

無量壽經如是說 臨終不能觀及念 無量壽經如是說

大法鼓經如是說 專念往生心不斷 卧中夢佛即往生

一日一夜懸繒蓋 殷勤精進不斷絕 展轉相勸同往生

書夜一日稱佛名 大悲經中如是說 執持名号心不乱 佛現其前即往生

一日二日若七日 阿彌陀經如是說 若人聞彼阿彌陀 繫念現前即往生

般舟經中如是說 十日十夜六時中 五體礼佛念不斷 現見彼佛即往生

鼓音主經如是說

十日十夜持齋戒
 懸繒幡蓋然香燈
 繫念不斷得往生
 無量壽經如是說
 若人專念一方佛
 或行或坐七七白
 現身見佛即往生
 大集經中如是說
 若人自誓常經行
 九十日中不坐臥
 三昧中見阿彌陀
 佛立經中如是說
 若人端坐正西向
 九十日中常念佛
 能成三昧生佛前
 文殊般若如是說
 我於衆經頌少分
 如是說者無窮盡
 願同聞者生正信
 佛語真實無欺誑

疑者曰觀此偈有十念下至一念生信樂者乃至但作生意
 知有佛亦生彼國又有七七日至九十日念佛方乃得生豈
 非淨土是一何故修因頓異釋曰淨土雖一生者自殊無量
 壽經總分三輩十六觀經開作九品若更細分亦應無量又
 疑曰下品等輩修因既淺應有退墮釋曰不然但九品華開
 有遲速去佛有遠近得道有剎鈍而生彼者例皆不退經云
 其有生者悉住正定之聚又云衆生若生者皆是阿鞞跋致此
 言不退十疑論中有五種因緣故不退一者阿彌陀佛大悲
 願力攝持故不退二者佛光常照故菩提心常增進不退三
 者水鳥樹林風聲樂響皆說苦空聞者常起念佛念法念僧

之心故不退四者彼國純諸菩薩以為良友無惡緣境外無鬼神邪魔內無三毒等煩惱畢竟不起故不退五者生彼國即壽命未劫共菩薩佛齊等故不退况此惡世非但闕此五緣抑乃惡友知識聲色醉亂魔鬼濫真壽命短促五種皆惡妨惱修道浩劫空過願熟思之願熟思之或曰一切法本無生無滅平等空寂何用強勸捨此求彼釋曰若云求生西方以為取捨乖平等理者汝還非彼執此豈不乖理耶若轉計云我亦不求生於彼亦不求生於此者則是生斷滅見金剛般若經豈不談空佛誠須菩提云汝莫作是念發菩提心者於法不說斷滅相真解空者即於因緣法中了生無生性滅

無滅性非謂斷無為不生滅也中論云因緣所生法我說即
是空不云滅無後空也維摩經云雖知諸佛國及與眾生空而常修淨土教化諸羣生或曰淨土在心何須外覓隨其心淨則佛土淨豈用迢然求生他方淨土耶釋曰子又不善心土之義也將謂我心局在方寸便見西方豈在域外苟如此者又云何說心淨則佛土淨耶華嚴云心佛及眾生是三無差別佛法既徧心法亦徧若各有方面何謂無差又云游心法界如虛空虛空豈有分隔若了一念心徧一塵亦徧十萬億刹咫尺之間豈在心外世人若談空理便撥略因果若談自心便不信有外諸法豈唯謗法亦謗自心殃墜萬劫良可

痛哉妄造是非障他淨土真惡知識也無量壽經云佛出於
勒菩薩諸天人等無量壽國聲聞菩薩功德智慧不可稱說
又其國土微妙安樂清淨若此何不為善念道之自然且
各勤精進努力自求之必得超絕去往生安樂國橫截五惡
道惡趣自然開外道無窮極易往而無入其國無違逆自然
之所牽何不棄世事勤行求道德可得極長生壽樂無窮極

寫弥陀經正信發願偈

同前

稽首十方佛 弥陀聖中尊 方等修多羅 一切法寶藏
觀音及勢至 大地菩薩僧 我以誠信心 刻板并印造
阿弥陀經卷 及以正信偈 旋造各一萬 施四眾受持

偈以發信心 經以資讀誦 若有每白中 至少誦三卷
年誦千八十 十年萬八百 况復多誦者 及歷多年數
如是積功德 自然生佛前 我此萬卷經 隨所流布處
極少得一人 誦持生淨土 我願承此力 決定生彼國
况復於多人 人亡經復在 展轉相傳授 是名無盡燈
燈燈相照耀 破生死長夜 顯出佛菩提 究竟悉同生
常寂光淨土 持此清淨福 迴向奉君親 我國聖帝王
及聖后聖位 行壽各萬年 覆育羣氓類 我父母眷屬
怨親非怨親 咸承勝善根 同生安養國

姚行婆日輪見佛偈并序 妙行法師 法怡

西方阿彌陀佛有四十八願其一一云我若作佛時十方衆生
欲生我國十聲念我名号而不生者誓不作佛若人每日早
晨合掌面西稱念佛号十聲現世消災延壽將來決定往生
觀錢塘喻弥陀畫姚行婆所見日輪中弥陀佛像人能用心
之專則感應亦如是妙行比丘法怡以偈讚曰

極樂世界有方所 祇在尋常日沒處 所以佛教韋提希
諦觀落日如懸鼓 善哉姚氏一老嫗 能以是心求淨土
暮觀朝想無歲年 行持坐念忘寒暑 弥陀忽從心想生
恍惚之間明又觀 是時虛空絕纖雲 桑榆尚駐羲和御
佛日晃耀奪陽輝 紺白玉毫妙相具 目駭心驚喜且悲

走告導師弥陀喻 具陳所見悉希有 願寫金容托毫素
我聞勝事嘆希有 為說偈言開未悟 當知去佛甚不遠
闡提那得稱其故 雖過刹土十萬億 一念超越如跬步
若有迷人問路頭 向道恁麼慕真法

讚喻弥陀偈并序 左朝議大夫丁一注

淨師捨妻效為如來徒慕萬人結淨土會歸人丁注以偈贊之
心淨佛土淨 法主非妄言 拔身出塵垢 已見火中蓮
一念不起滅 極樂即現前 大千同此境 豈止萬人緣

十六觀經頌 序分 慈雲懺主 蓮式

韋提重禮請能仁 願說西方淨報因 十六觀兼三淨業

修之即得往生身

日觀

正坐面西想日輪

見日欲沒如懸鼓

見已閉目開目間

皆令明了心堅住

水觀

次作水想見西方

一切皆為淨土水

既見水已想成冰

皎然映徹瑠璃地

地觀

瑠璃寶地正觀時

諦了分明極樂國

八種清風鼓樂音

苦空無我無常曲

樹觀

四觀寶樹七重行

寶華華敷妙宮殿

寶幢幡蓋影重重

十方佛國於中現

池觀

五想淨土七寶池

池中水有八功德

宣流念佛法僧名

妙寶蓮華千萬億

惣觀

衆寶國土寶樓閣

寶樹更兼池間錯

此箇惣觀若成時

名為粗見彼極樂

華座

七想蓮華妙臺座

廣大弥陀願力成

作此想時心不乱

定想極樂國中

像觀

諸佛如來法界身

徧入衆生一切想

智者當觀此想心

是心即佛菩薩像

無量壽觀

無量壽佛金色身

光明普照羣生類

勤修智者觀心觀

諸佛現前同授記

觀世音觀

觀音菩薩紫金身

眉間毫相七寶色

流出光明滿十方

光中化佛無數億

大勢至觀

次觀勢至菩薩身

量等觀音無有異

但於肉髻寶瓶中

盛眾光明現佛事

普往生觀

端想身生極樂界

蓮華合閉身居內

華開見佛滿虛空

水鳥樹林宣法偈

雜往生觀

重想弥陀二菩薩

神通變現事如前

雜沓觀成無量福

定生安養奉金僊

上品上生

慈心不殺持眾戒

讀誦大乘方等經

修行六念迴向願

臨終化佛悉來迎

上品中生

不必受持方等經

解第一義明因果

紫金臺現命終時

自見身於臺上坐

上品下生

深信因果奉大乘

但發無上菩提意

以此功德迴願生

生已當往歡喜地

中品上生

受持五戒八戒齋

修行諸戒迴向願

命終生彼聞法音

應時即得阿羅漢

中品中生

若人至心一日夜

持戒持齋無破缺

以此功德迴願生

七日華敷成記劫

中品下生

孝養父母行仁義

臨終復遇善知識

廣說弥陀大願因

屈伸臂頃生彼國

下品上生

若人雖不諳尊經

造眾惡業無慚愧

臨終遇勸念弥陀

生彼十劫得初地

下品中生

若有眾生犯眾戒

盜取僧祇三寶物

臨終遇勸念弥陀

一念頃間生彼國

下品下生

有作五逆十惡業

應墮地獄受諸苦

臨終遇勸念弥陀

決定超生於彼土

十六觀頌

日觀

檀菴法師

有嚴

落日之形似鼓懸

加跌端坐面西邊

身雖未到華池上

先送心歸極樂天

水觀

想水為冰徹底清

表瑠璃地寶幢擎

光明照耀如千日

此号禪心水觀成

地觀

寶地莊嚴華雨時

幢幡樓閣好思惟

地幸况是心作法

托境明心不可移

樹觀

寶樹重重相倚高

莊嚴珠網幾層層

若能了得唯心境

雖在西方路不通

池觀

八德澄渟号德池

金沙為底曜光輝

水流又說無生偈

聞是觀心斂念時

摠觀

寶嚴國土七珍成

樓閣之中天樂鳴

玉樹華池名摠觀

觀明滅罪事非輕

華座觀

蓮華八萬四千葉

眾妙莊嚴無數光

以此蓮華為寶座

開敷待坐法中王

佛菩薩觀

觀佛真身慧未開 先令想像坐華臺 佛菩薩身滿彼國

須了像從何處來 無量壽觀

彼佛巍巍尊勝身 光明徧照數如塵 衆生蒙照心歸佛

便是西方淨土人 觀世音觀

菩薩名為觀世音 十方普覆大悲心 紫金光聚威神力

接引衆生誓海深 大勢至觀

無上力名大勢至 淨妙明号無邊光 若人觀念此菩薩

不處胞胎臭穢囊 普往生觀

普觀成時便有功 想身而入妙華叢 蓮華開合分明見

菩薩如來滿碧空 雜想觀

佛現威光大小身 觀音勢至以為隣 若令雜觀今成就

此又名為清淨因 上輩三觀

上輩分三品以深 命終諸佛賜光臨 華臺迎接生安養

知是圓宗十信心 中輩三觀

中輩生為五品人 外修戒檢內修真 命終五道橫超出

便作西方無漏身 下輩三觀

凡夫雖造業多端 落日池邊曾想觀 名字即入生淨土

當知非易亦非難

十六觀頌

大智律師

元照

靈山衆會 耆闍山沒 王宮中出 事畢還歸 阿難重述

韋提請法

禁閉深宮

發起大事

濁惡眾生

于今受賜

第一日觀

落首懸鼓

出生死路

十二時中

繫念一處

第二水觀

大水澄清

凝然冰結

表瑠璃地

內外映徹

第三地觀

瑠璃地上

莊嚴眾相

了見分明

除疑破障

第四樹觀

行樹七重

珠網華宮

清陰垂布

妙好無窮

第五池觀

八池德水

七寶妙色

蓮開鳥鳴

洗除煩惑

第六摠觀

樓中天樂

讚佛法僧

寶樹地池

一念圓成

第七座觀

大蓮華座

百寶嚴飾

微妙難思

法藏願力

第八像觀

托像疑真

見真忘像

三聖炳然

尚名塵想

第九佛觀

觀佛相好

一經宗要

三昧現前

始知深妙

十觀音觀

光臨五道

佛立頂冠

聞名獲福

何況諦觀

十一勢至觀

光通諸佛

力救羣苦

頂瓶盛光

普現佛土

十二普觀

趺坐蓮中

蓮華開合

依正莊嚴

一切俱攝

十三雜觀

卓乎他上

一丈六像

變現大小

了無定相

十四上品上生

三心圓發

諦理深明

金臺隨往

即證無生

上品中生

達諸法空

了無驚動

有願即生

不必讀誦

上品下生

但發道心

未忘窮妙理

到彼開明

獲菩提記

十五中品上生

諸戒久持

往生如願

聞說苦空

得阿羅漢

中品中生

一晝一夜

奉戒願求

蓮開見佛

即預聖流

中品下生

孝友仁慈

知識開悟

遇二菩薩

聞法得度

梁下之類

卷第五

十六下品生 生卒積惡 死遇良師 一稱佛号 生蓮華池

下品中生 毀戒業深 獄火俱至 聞法迴心 眾聖迎去

下品下生 十惡五逆 臨終苦逼 教稱十念 華開金色

勸化徑路修行頌

京師比丘 善導

漸漸雞皮鶴髮 看看行步躑躅

假饒金玉滿堂

誰免衰殘老病 任汝千般快樂

無常終是到來

唯有徑路修行 但念阿彌陀佛

勸念佛頌

慈覺禪師 宗頤

三界炎炎如火聚 道人未是安身處 蓮華勝友待多時

收拾身心好歸去

目想心存望聖儀 直須念念勿生疑 他年淨土華開處

記取娑婆念佛時

極樂不離真法界 彌陀即是自心王 眉間毫相無方所

露柱燈籠亦放光

懇修齋戒莫因循 千聖同開念佛門 一旦功成歸淨土

白毫光裏奉慈尊

西方淨土頌

同前

西方多樂事 浩劫香難宣 壽量曾無盡 光明豈有邊

道風吹綠蕙 定水發紅蓮 海會朝宗處 天華落座前

海眾咸清淨 菩提道易成 心心皆正念 物物契真乘

性	地	瑠	璃	瑩	圓	音	衆	鳥	鳴	會	須	登	覺	岸	莫	遣	隨	疑	城
足	踏	無	憂	地	身	居	不	老	鄉	六	時	朝	聖	主	清	且	詣	他	方
寶	殿	隨	身	去	天	華	徧	刹	香	歸	來	還	本	性	禪	悅	味	何	長
莫	謂	西	方	遠	西	方	在	目	前	雖	然	過	十	萬	曾	不	離	三	千
念	佛	纒	開	口	華	池	已	種	蓮	信	心	如	不	退	決	定	禮	金	僊
池	疑	功	德	水	風	動	管	絃	音	羅	網	慢	空	界	樓	臺	映	寶	林
六	根	常	合	道	萬	境	了	唯	心	不	是	人	難	到	都	緣	信	未	深
行	業	分	三	輩	蓮	華	共	一	池	既	然	登	極	樂	決	定	獲	阿	難
障	盡	舒	光	日	心	開	見	佛	時	箇	中	無	限	樂	同	道	者	方	知
極	樂	真	如	理	弥	陀	智	慧	光	迷	時	沉	此	生	悟	即	往	西	方

浩	浩	輪	迴	息	迢	迢	壽	命	長	信	根	纒	一	念	心	地	已	清	涼
信	重	終	須	往	疑	多	未	可	知	淨	心	憑	一	念	功	行	越	僧	祇
便	列	阿	惟	位	還	將	補	處	齊	進	修	沮	勇	猛	不	必	待	多	時
人	問	禪	家	者	宗	門	萬	事	忘	既	能	超	極	樂	何	必	往	西	方
却	聽	禪	家	語	西	方	是	本	鄉	馬	鳴	親	訓	誨	龍	樹	亦	稱	揚
莫	話	娑	婆	苦	娑	婆	苦	教	人	貪	嗔	癡	亂	意	皮	肉	血	為	身
羅	刹	怨	憎	窟	無	明	陰	入	村	會	須	登	極	樂	歸	路	莫	因	循
莫	話	娑	婆	苦	娑	婆	苦	最	深	邪	魔	常	作	伴	疾	病	每	相	侵
聲	色	妖	姪	地	釋	那	淡	泊	心	會	須	登	極	樂	歸	路	莫	沉	吟
莫	話	娑	婆	苦	令	人	涕	淚	交	三	災	輪	內	轉	五	痛	火	中	燒

鶴樹光長掩 龍華會正遙 會須登極樂 歸路莫辭勞
莫話娑婆苦 羣提白世尊 劫逢煩惱濁 兒号未生寬
調達心何适 瓶沙恨莫論 會須登極樂 此惡未嘗聞

觀佛三昧頌

檀菴法師

有嚴

若人願得生安養 智者令人修觀想 弥陀真身難以觀
初心且觀雕畫像 想成相起心眼開 黃金色身如拍掌
一念橫截五惡道 誰謂無人今易往

勸念佛頌

慈受禪師

懷深

萬人同志念弥陀 衆力相成願力多 一朶蓮開親見佛
方知淨土勝娑婆

樹林水鳥各宣揚

寶網金臺盡道場

會得鐘鳴并鼓響

弥陀彌處放毫光

心猿意馬尚顛狂

一朝掩目空歸去

始信泥犁歲月長

勞生無地出樊籠

欲知自性弥陀佛

在汝朝昏一念中

不信因緣久溺沉

聞得又聲方念佛

始知妻子老婆心

修行魔事要君知

直須急峭草鞋底

不是山僧說是非

示陳行婆頌并序

慈辯法師 從諫

行婆見師師問修行許久婆稱修行多年師問曾見阿難婆稱多見善知識師問如何指示答曰直截根源也不看經也不念佛師云錯了也因為說法婆既信服遂示以十頌
直截根源不用修 筭來此語少來由 會須把本逃生死
念念弥陀勿外求 須信從來水是冰 但向根源深體究
念佛看經是本程 聲聲提起甚分明

勸修淨業頌

大智律師 元照

聞說西方最易求 萬緣從此一時休 輪珠疊足圓蒲上

祇與弥陀作底頭

未嘗回首一沉吟 眼光將落前程暗

始信平生錯用心

化導念佛頌

清照律師 慧亨

釋迦如實讚西方 依止超倫意已彰 信願持名無別想
聲聲心住白毫光 無邊光壽立嘉名 由茲佛佛皆稱讚
塵劫熏成功德身 我等如何不舉聲
四字鴻名金口宣 功成唯在我心堅 神方簡易真希有
一挽忻然處寶蓮

念佛心要頌并序

華庵法師

道因

釋迦如來說阿彌陀佛是法界身天台智者又言實相為體
 憑茲二說以為心要則十萬億刹若臨明鏡矣聊成拙頌自
 印其心或有知音能隨喜否
 無邊刹海海涵空 海空全是蓮華宮 蓮宮周徧徧空海
 空海獨露彌陀容 阿彌陀佛不生滅 難覓難粘水中月
 絕非離句如身身 如是感通如是說 我與彌陀本不二
 妄覺潛生忽成異 從今掃盡空有塵 父子天然兩相值
 誓修三福勤六念 身中意業無瑕玷 我今以此念彌陀
 不見彌陀終不厭

雕彌陀香像頌并序

解空法師

可觀

四明湖西有崇教受業梵勤行人夙願力故來入延慶觀堂
 行普賢懺誦法華經暗中摩頂自不知覺以此迴向西方增
 長念佛三昧雕紫檀香阿彌陀佛如水中月了不可得求老
 竹庵為作證明別無拈出只這箇是
 白玉明毫唯我心 紫金光相即我性 光相一時不可得
 直下無非妙勝定

頌淨土次頌辭世

法鏡講主

若愚

空裏千華羅網 夢中七寶華池 踏得西歸地穩
 更無一點狐疑

本は無家何處歸

雲邊一路正誰知
溪光搖落西山月

正是仙潭夢斷時

稱讚西方

幻住居士任

七寶池塘功德水

六時禽鳥法音聲
慈光交絡無魔惱

自在飛行不死生

樓閣莊嚴金界道

蓮華香潔寶光明
華鬘曼瓔珞相逢者

盡說皆因念佛生

勸修淨土

桐江法師

擇映

苦哉苦哉實苦哉

底事鈴鐺不肯迴
慈父悲思玉堂上

欲傳家業待君來

白蓮淨社

右街鑿義

從王

歸去來兮歸去來

西方淨土白蓮開
陣陣香風吹不散

道遙快樂紫金臺

淨業佛魔

壽安法師

良珩

彌陀禮彌陀

步步絕沙女婆
佛尚不得佛
魔從何處魔

勸修淨業

昌國宰王

存之

世事等一夢 人生誰百年

念念彌陀佛 池中結寶蓮

勸世念佛頌

失作者名

浮世生身事若何

猶如春燕累巢窠
波波役役營家計

不如隨分念彌陀

文章俊辯應高材

朱紫禁身意氣多

官高誰免無常至

不如方便念弥陀

飛鎗走射勢難過

駿馬騎來疾似梭

力敵萬夫輸老病

不如習善念弥陀

富貴資財不厭多

朝昏計算恐憂訛

憂煩不覺頭如雪

不如知足念弥陀

音聲清響善謳歌

一曲新詞格調和

直饒唱得行雲墜

不如淨口念弥陀

柳眉星眼賽姮娥

玉體時新著綺羅

華容只可長年少

不如及早念弥陀

某誇敵國智謀多

打劫爭先在切瑳

光陰一半因茲廢

不如端坐念弥陀

商人經紀最奔波

遠地他方到處過

江湖風浪危中險

不如歸去念弥陀

慣會公方損指他

巧裝詞訟逞嘍囉

家財漸破招人怨

不如省事念弥陀

殺業冤家漸債多

將何詞理見閻羅

教君一路超生法

不如知悔念弥陀

淨土詠

出寶主論

晉康樂謝

靈運

法藏長王宮

懷道出國城

願言四十八

弘誓拯羣生

淨土一何妙者皆菁英 頽言安可寄乘化必晨征

念佛三昧詩

晉琅琊王 喬之

妙用在茲涉有覽無 神由昧徹識以照塵 積微自引

因功本虛泯彼三觀 忘此豪餘融然忘適 及廓靈暉心遊緬域

寂寞何始復玄通微 用之以沖會之以希 與物斯羣應不以方

得亦踐機圓映朝雲 與化而咸與物斯羣 應不以方

神姿天凝瞬爾淵鏡 金水塵紛席藉真九 思轉豪功

受者自分慨自一生 夙之慧識託崇淵人 席藉真九思轉豪功

在深不測至起之念 注心西極出廬山集

念佛三昧詩 并序

慈雲懺主 遵式

叙曰念佛三昧踐聖之妙道凡揭厲于法流者何莫由斯矣

晉慧遠師化潯陽集賢輩乘之為際極之軌琅琊王喬之洎

羣賢皆為念佛三昧詩遠為序皇宋丙申沙門遵式會四明

高尚之實百餘人春冬二仲一日一夜華寶雲講堂想無量

覺行漢魏經壬寅既廢適台之東山忽思俄成故事惜無述

焉乃擬晉賢作詩寄題于石垂於後世也詩四章八句

萬感外形骸 儼然虛堂寂 明毫冠羣彩 幽神資始續

妙象非夙頽 俗覽豈良覲 栞之會入微 清玩心無憚

金肌味真見 音愚正聞 玄空了無託 至涉寧有勳

林羅會都寂意空銷積氛良哉此達觀局士安與云

融抱迴曲照照如鑑中象諦覽無遺心虛求非帶想

追夢忘始終通幽死如往藉此會神姿逍遙期西貢

鑑極玄想孤動靜如為區大象詎形儀大方誰廉隅

正賞不隱括妙踐無迴迂心澄補知海粲粲黃金軀

別李秘書始興寺所居

草堂先生杜子美

不見秘書心若失及見秘書失心疾安為動主理信然

我獨覺子神充實重聞西方之觀經老身古寺風泠泠

妻兒待米且歸去他日杖藜來細聽

東林寺臨水坐

香山居士白居易

昔為東掖垣中客今作西方社裏人手把楊枝臨水坐

閑思往事似前身

弔天竺寶月大師

東坡居士蘇軾

生死猶如臂屈伸情鍾我輩一酸辛樂天不是蓬萊客

憑仗西方作主人

除夜

香山居士陳無已

七十已強半所餘能幾何懸知暮景促更竟後生多

遁世多為累留年睡作魔西歸端著便老子不波婆娑

后山又有三詩亦志在西方今撮其要句附于此寄參寥

詩曰平生用道親擺落區中緣唯於世外人相從可忘年

寄李學士詩 相尋東剎論茲事 賴有西方托後車 別圓
 澄禪師詩 曰平生準擬西行計 老著黃間此何意 他年佛
 會見頭陀 知是當年老居士 后山居士真近代 詩人冠冕
 其拳拳樂邦 乃如此則凡風騷之士 豈可唯以吟安一箇
 字 撚盡數莖鬚為務耶

錢唐勝事寄江寧府生馬侍郎 天然懺主遵式

往歲錢唐勝事并 就中安養最存誠 心池菡萏昔如長 在
 頌作西方佛上鄉 侍即往歲酷於西方淨土常即造弥勒
 法門一千卷分施道俗因是生於西方

瑞竹悟老種蓮

無為子揚 傑

東林聞說好林泉 社會荒涼幾百年 靈物孰如崔氏竹

方池新種遠公蓮 華嚴頓淨三千界 廬阜重招十八賢

應笑陶潛又歸去 白雲幽鳥伴歸田

廬山白蓮社

禦溪沙門 懷悟

晉室陵遲帝紀侵 羣英晦跡匡山陰 樓煩大士麾塵尾

十七高賢爭扣几 才高孰謂文中龍 返使伊人思謝公

烟飛露滴玉池空 雪蓮蘸影搖秋風

贈彌陀道者 即喻弥勒 直秘閣黃 誥

淨公他日號良醫 一悟真空便決疑 孝行未應忘父母

信心無復念妻兒 鹿門著比龐居士 蓮社欣逢遠法師

更作西方清淨觀 白毫常見五須弥

十六觀經近體詩

沙門

冲默

日觀

年來香火寸心明
擬跨迢迢十萬程
每向日輪垂沒處
靜凝心觀便功成
靈丹豈獨瘳諸苦
幻骨須期會五清
滿目山川非故國
終歸安養是神京

水觀

太水凝冰沒海涯
光明昭徹徧河沙
空中不覺乾坤大
心外元無霧靄遮
自恨此生投境晚
因嗟羣妄落空邪
林間不廢芭蕉觀
只待蓮舟促到家

地觀

驢心絕處匪邦基
小道那知有大達
天樂滿空鳴梵唄
金幢擎地映瑠璃
略無遮懣神根爽
不怕閑浮急景移
試問海山長不死
何如彈指在瑤墀

樹觀

莫把名言向外尋
覺夫境界最高深
重重寶珠非他物
一一珠光出自心
超往未成由缺誦
積功終不厭穿針
無生社友應招手
許我同參悟一音

池觀

水流八德凝神冷
蓮放諸珍眩眼奇
波鏡華間傳絕唱
禽翻寶岸影相宜
幾年浪跡忘歸計
此日追懷定集池

小憩胡床形夢想

覺來心地獨熙怡

惣觀

欲夫富樂在層霄

比校恒沙不易饒

罽塞諸仙戲樓閣

宣揚三寶吹笙簫

無何境裏非凡想

解脫光中未覺罽

惣觀殷勤師子乳

野干驚懾破邪妖

華座

徧知夙願丘山重

陸地生蓮合自然

寶座巍峨難比喻

珍幢高出中方圓

想成法法元無跡

目擊塵塵本太玄

切忌絲頭落魔網

直須消殞此生前

像觀

真境太高凡目眩

先施像觀示常容

要知相好從何起

直指心源有路衝

金相炳明如杲日

毫光柔軟似輕草

會須生佛融方寸

豁破塵昏萬萬重

真身

八萬尊崇全體現

光明常鑿刹塵傍

生死浩劫難遭遇

寤寐存誠未始忘

銘願鑿山營勝業

刻蓮成漏伺朝陽

風流蓮社今千載

猶有嘉聲著處香

觀音

三十六重圓感應

網羅羣品出飄沉

天冠化佛標垂迹

沙界隨機演妙音

瓔珞滿身籠皓月

楊枝在手露真金

我生多病常歸仰 鼠飲不知江海深

勢至

冠插金瓶華百億 摩尼異寶映神珠 光含刹土嚴身相

風動琳琅響佩裾 念佛圓通功夙著 攝生方便業先祛

真慈浩漭無涯涘 終日神光蔽草廬

普觀

聖觀纒融惑妄輕 凝眸頃刻到華津 九蓮臺穩超凡世

百寶光寒照幻形 鳥語瓊林混天樂 波搖金沼契圓經

不知幾劫紛綽苦 洗耳今朝試一聽

雜觀

六十萬億巍巍量 悠悠凡淺未應窺 寶池常想融麤相

塵刹垂形適異宜 聖語昭彰無可議 佛身勝劣洽先知

裹糶日日欲西邁 謹勿將心起大疑

上三品

脫得棘林登上品 芬陀華在火中開 禪可久寂已無浪

心鏡元明不受埃 此去便成無上忍 新游爭仰出羣才

真空列聖渾垂手 特與金剛勝妙臺

中三品

小教豈能營淨業 迴心入大始應知 因崇諸戒無玷玷

果證三胡絕妄癡 耳聽出家離苦法 心持無我是真基

屈伸臂頃出三界 一朵蓮房出寶池

下三品

愚流習惡久成風 平昔那知黑白蹤
直待垂終諸業現 方驚已困四蛇攻
自非宿善熏聞力 安得稱名勇猛功
陡覺涼風吹業火 玉毫光裏面金容

廬山蓮社

監溥喻

良能

遠公結社事清修 未叡宗雷並俊游
千古空餘舊名字 白蓮零落不勝秋
前生我是比丘身 處處雲山有宿因
何日塵緣都淨盡 重為香火社中人

次韻蓮社

釋楊劉

溥叟

買酒却邀陶令入 閉門不放謝公游
風流千古無人會 閑却芙蓉幾度秋

廬山十八賢

東溪釋

祖可

不能晉室扶頽覆 盡作西方社裏人
豈意一時希有事 翻令元亮兩眉顰

懷安養故鄉詩并序

檀菴法師

有嚴

余以安養為故鄉 乃即心淨土雖久思歸
且步履未至可不 哀哉因作是詩為讀者幸無以取捨為誦
達士身心非迹遐 雖云四海盡為家
爭如故國游瓊樹

況得通衢御寶車 屈指多年不歸去 論情凡事本無涯

空煩父母倚門望 待子池蓮九品華

幾年衣袂惹京塵 志氣陵雲莫自伸 南鴈數聲鄉夢斷

秋風終夕淚痕頻 此迴若不懷歸計 向後從誰結善隣

請看路傍埋朽骨 其中多是味歸人

西方真淨本吾家 今憶歸程十萬賒 客路於旃都已困

風塵孤苦最堪嗟 七重樹籬千般樂 八德池深四樣華

莫怪近來鄉夢切 奈何榮辱事無涯

昔年容易別瓊樓 本也無心作遠游 豈意而今髮垂雪

片懷長掛月西鈞 枕中忍思飛歸鳥 檻外頻驚落葉秋

一炷檀烟一聲磬 等閑遙望淚橫流

檀庵法師專修淨業景暮之切見之於詩豈意而今髮垂

雪片懷長掛月西鈞佳句也非識妙者莫能窺然此詩賡

者甚衆不能備錄獨保福詢師有短景只嗟魚少水長途

仍恐象無鈞之句頗膾炙人口草庵錄所載誤矣

懷西方詩

北山法師 可旻

家在天涯落日邊 望中行樹隔雲烟 一彈指頃雖能到

三歷僧祇或不前 珠網七重光匝匝 蓮華四種色新鮮

歸時善友相迎迓 應問拋離幾許年

但能忻厭作行持 本性唯心豈不知 三界飄蓬情染惹

四生流浪力羸疲 鬱鬱玉兔初生處 燦燦金烏欲墜時
 黃面老親頻倚望 急須脂轄促歸期 竹尾輕搖新月上
 已知今是昔何非 深掩柴門到落暉 松柏香烟滿布衣
 簾腰半捲宿雲歸 山林氣味盈懷抱 片石蒲團長燕坐
 寸心西趨落霞飛 西指西瞿更向西 向西西去有招提
 華開菡萏光無夜 地布瑠璃瑩絕泥 風動法音強八詠
 池流德水勝雙溪 臨終但得超生去 九品從教低處低

又五言二首

娑婆堪忍界

稚小著嬉游

送想憑紅日

傷心已白頭

島嶼蓮千朵 彎彎月一鉤 未知何日往 彈指到瑠樓
 一等根莖別 千華永莫齊 開敷承佛足 奇妙入經題
 菜嫩金浮水 根靈玉在泥 誓期緣謝白 步步踏歸西

湖州覺海彌陀閣

桐部張

景修

仙潭覺海唐興善 像設瓊琦古至今 殿柱倒書雷部火
 市橋橫渡木觀音 窓前竹影搖金翠 風外蓮香散水沉
 況有彌陀新建閣 動人無限往生心

西歸軒

蘇月禪師

曇瑩

君言樂國是吾家 自笑飄零客路賒 一點歸心懸落日
 百年幻事寄空華 臍輪不鼓經簾卷 鼻觀常清篆縷斜

正念相成無外物 小窓行樹綠文加

憶佛軒詩 并序

雪溪首座 希顏

自古有言人生百歲七十者稀予十六祝髮叨預僧列今幸七十處世非夕朝夕人耳平居非不誦經稱佛猶恨未為專注遂取首楞嚴勢至章若人憶佛念佛見前當來必定見佛之語命小軒曰憶佛庶幾以為臨終見佛光容耳且作山偈以繫于右

多年逃逝鬢如絲 憶佛難忘十二時 咄咄自嗟為蕩子

幾番華發路邊枝 除佛無能寫我心 誰道萬金為客好

自憐憶佛暮年深 彈指聲中七十年 豈不向來知憶佛

終非一飯在家林

隨波逐浪去翩翩

欲從老去更加鞭

決定此身如許見

有盟晚景欲重尋

一龕燈映夜窓深

自恨不歸甘自棄

三椽老去許安貧

百年唯此可書紳

閉戶不恣常憶佛

掃除意地空空已 風埃蟬蛻笑談邊 唯是拳拳憶佛心

破畦蔬雨滋香積 既歸安用越人吟 佳處無如憶佛真

巖間靜竇蒲團夜 願常終似影隨身

數縷香消春塢冷 落澗松風發妙音 萬事了知猶墮甑

松下聊供茗盞春

平日叢林見祖師 還如憶佛在今時 但安谷底三椽地
 不掛宵中一縷絲 幽徑落華浮澗水 小窗斜日下松枝
 寂然真境知誰見 唯佛常多入夢思
 早尋史漢學為文 自許平生在博聞 棄置寸陰隨逝水
 思量於我竟浮雲 閑中自識藏身穩 勝處誰知憶佛勤
 沈謝曹劉今底處 草萊三尺但荒墳
 我欲今身見佛來 佛今於我豈悠哉 但能一念心無倦
 不假三祇眼便開 紫燕黃鸝啼妙旨 清溪白石示珍臺
 要知成現還家路 誰道無人為挽迴
 名利毛繩截骨仇 漆園猶自比蝸牛 浮生最是無雙處

憶佛須知第一籌

母子但能同室住

風埃安用遠方游

前程罷問從今始

紙帳蒲團穩坐休

讀往生傳有感

雲庵法師

了洪

飛山之書

金方在西

昔賢歸去

胡不思齊 白髮易老

客路空淒

志意歸去

憑此相送

淨土詠史

西湖居士李一濟

居士道號西歸子元武林人寓居茗溪先祖四世登科來
 處清白深明淨土之教嘗擬諸詠史作稱讚淨土諸上善
 人詩凡五百餘首蓋於淨土如理而修者悉綴其行業形
 于篇章雖小善不遺可謂樂道之人也其文現行於世今

撮其經聖師者二十五首以寄此錄庶資見聞云爾

叙佛化緣

能仁現穢取娑婆
折攝剛強方便多
橫截愛河無別法
唯教專志念弥陀
唯我弥陀願海深
十念功成蒙接引
無邊刹土非無淨
端如默鐵化精金

述製作意

古往今來浩劫波
二輪迭運急如梭
循環六趣無休歇
不解西歸奈爾何
昔賢猶有是非心
我今敬讀往生傳
千古英雄一窖塵

輒效周曇詠史吟

文殊菩薩

稽首曼殊大聖師
深談念佛接羣機
遂令法照洪斯教
五會王宮道轉輝

普賢菩薩

徧告親宣十願王
指歸安養理昭彰
向來慈覺蓮華社
曾以鴻名壯寶坊

普慧菩薩

葦江會裏萃羣賢
大士填笈悉預焉
底事助揚真佛化
祇應悲願廣無邊

天親菩薩

唯識論師曾說偈 弥陀樂國願超生 只因果報無諸苦
列聖宗歸道化行

馬鳴菩薩

造論通宗百洛叉 摧邪顯正懾羣魔 示人不退有奇術
唯教專心念佛陀

龍樹菩薩

匡持像運著勲庸 說偈婆沙大論中 願共衆生生彼國

普令具縛脫樊籠

五通菩薩

娑婆久未識阿弥 直往西方為請祈 佛及菩薩埵俱時現

爰持寶葉徧圖之

廬山遠法師

蓮社開端接後人 翕然緇素物來親 十年三觀莊嚴相

定作金臺上上身

南嶽思大禪師

夢感彌陀為說法 空中寶像顯神靈 天童給侍瓶常滿

捨識親承聖衆迎

天台智者大師

昔同南嶽觀毫光 一誦蓮經悟藥王 論釋十疑垂萬代

唱經況復示西方

壁谷神總為法師

流支直指佛長生
終時俱聽管絃聲

焚却陶山十卷經

龍樹垂形宣至訓

京師善導和尚

畫三百辟淨土相
況登高柳定析生

寫十萬卷弥陀經

貴賤不論皆激勸

新定康法師

洛下文書累放光
消得兒童為播揚

化行新定嗣餘芳

口中十佛隨聲出

五臺照禪師

常瞻三聖現虛空
三年汝托寶華中

多謝文殊指示功

歎感神僧來預報

永明智覺禪師

七返俱粘淨土闌
堪以慈容掛九幽

畢生不退事精修

神棲安養因成賦

孤山中庸法師

通經十疏辯尚頌
昭然精爽定西征

絕筆弥陀淨業成

陶器墳中收幻質

四明智法師

十僧曾結三竿懺 懺罷焚臚願往生 號略慈雲雖請住
終修三昧作西行

天竺慈雲懺主

般舟三昧九旬修 大小彌陀懺更留 星殞香消忽西去
空餘千載仰嘉猷

長蘆慈覺禪師

發明五感製高文 要使羣盲識淨因 況感普賢并普慧
蓮華勝友益歸仁

靈芝大智律師

道繼南山闡律乘 志洪樂土辨歸程 臨終說偈加趺化

湖上俱聞天樂聲

南昭慶常法師

西湖社客千人集 光我廬山孰比肩 要識當年奇特事
請看碑刻盡朝賢

和淵明歸去來

給事馮

楫

給事蜀中遂寧府人道號不動居士少有俊聲中太學魁
選作場屋文字多用圓覺經語明悟理性欽伏士論而又
徧參禪林深達五家宗流晚年篤信弥陀教法晝夜不寐
專意淨業作西方禮三卷弥陀懺一集在鄉郡建淨土會
感香爐中舍利應現毫光且天嘗以俸資造大藏經及四

大部藏各四十八分施諸山表佛本願一日感懷和淵明

歸去來韻談淨土法門最為開示其辭曰

歸去來兮蓮社已開胡不歸念吾年日就衰邁況世態之堪
悲想東林之遺跡有先賢之可追趁餘生之尚在悔六六之
前非如新沐之彈冠類浴罷而振衣滌塵垢以趨潔造妙道
之離微願瞻前路歸心若奔入慈悲室登解脫門萬境俱寂
一真獨存爐香滿炷淨水盈樽望西方以修觀析速觀於慈
顏入念佛之三昧覺身心之輕安超九蓮之上品開六超之
幽閑會精神於正受杜耳目之泛觀俟此報之云盡指極樂
而徑還循寶樹以經行踐華園而迴旋歸去來兮唯淨土之

可泐念閻浮之濁惡捨此土而何求喜有壽之無量曾何苦
以貽憂與上善人同會友補處為朋儔池具七寶黃金為舟
地平布於瑠璃無高下之坑丘樂音起於風樹佛聲發於水
流聞者咸念三寶忻塵緣之自休已矣乎人生如夢能得幾
時胡為名利之縈留此一報看盡子將焉之浮世皆幻境樂
土真佳期布蓮種於池內長念佛以培耜冀臨終時而佛迎
垂叙別而留詩從此地地增進決證菩提何用疑

擬淵明歸去來

幻住居士仵魁

歸去來兮西方淨土誓依歸既出離五濁之生死亦恬特三
聖之慈悲嗟人生之幻化撫急景以難追悟世緣如昨夢悼

既往已皆非遠衰年以學道類大寒而索衣悔青春之放逸
誤白業以虧微三塗苦趣億劫迷奔如何解脫有大法門疑
之則遠信之斯存誰其尸之弥陀世尊錄玉色之毫相晃紫
金之容顏蔽諸來之大眾顯須彌之金山是以戒須堅持三
聚齋則勤修八關加十念以精進庶禮足而諦觀幸人身而
不爾猶寶所而空還雖聖凡之超絕喻水月以何難歸去來
兮西方淨土多勝游寶樹羅網出妙音天衣純陀不用求但
受諸樂之極求無眾苦之憂我弥陀世尊四十八願度眾生
百千二昧頓熏修於洪誓海乘大願舟更無波旬魔怨但有
聲聞比丘聆變化之眾鳥演法音而宣流觀音勢至堅固力

接引行人無時休已矣乎末法眾生多弊惡諸苦境界巨淹
留歸去來兮兜率終有墮龍華未可期唯有極樂國土功德
莊嚴如此光色蓮華開九品清淨海眾待多時但辨信心不
退轉決定往生無可疑

追和淵明歸去來辭并序 拙庵宗師 戒度

拙庵野夫抱疾林下一日少間試取陶淵明歸去來兮辭讀
之不覺釋卷而長歎蓋與予懷異世而同轍也淵明乃一俗
士爾貧苦非不迫切尚且輕五斗粟不忽折腰於鄉里小兒
自免去職樂賦歸與况釋氏子為解脫故而求出家返奔走
於塵域而不知止不為淵明著乎予素以安養為故鄉欲寫

鄙懷以自勉，輒追高韻。覽者幸無以効，輒見謂亦各言其志也。丁酉季秋，望日書。辭曰：

歸去來兮，回首故鄉。何日歸，覺寒來而暑往，勞夢寐以含悲。昔偶爾而為別，今悔之而莫追。望蓮池之勝友，實負愧而知非。嗟幾生之漂泊，失繫珠於內衣。旋深思而猛省，何節操之卑微。欲歸便歸，一志西奔。長生不死，眾妙之門。唯心本具，真性常存。棄捐周鼎，返認匏樽。空受賜於華屋，遂享戾於慈親。慨眾苦之迫切，必去危而就安。雖無適而不可，柰客路之關。托二八之妙境，入正受而遐觀。忽全心而發現，喜合浦之珠還。混塵刹之淨穢，隨足處以盤桓。歸去來兮，謝絕於外游。

且毀形而壞服，唯解脫之是求。曷區區而逐物，恬然而弗為憂。喪自家之珍寶，拋祖父之田疇。方飢絕糧，欲濟沉舟。曾流俗之不若，夫是之謂比丘。苟聞義而不徒，盍尋源而挹流。照萬緣之寂寂，藏六用之休休。已矣乎人生，變化同四時。天邊日月無留，不自為計。將安之有生，必有死。百年誰與期，且守田以耕耨。頻愛草以耘耔，結廬山之淨社。詠檀庵之新詩，送心想於落白。倏如羽化，斷無疑。

讚淨土漁家傲 并序

北山法師

可曼

我家漁父，不比泛常。一丈六之身材，三十二之相好。說聰明也，孔仲尼安可。廢肩論道德也，李伯陽故應縮首。絕偏武略

獨戰退八萬四千魔兵蓋世良才復論販九十六種外道拱
身誓水坐斷愛河披忍辱之蓑衣速無明之烟雨慈悲帆掛
方便風吹撐般若之扁舟游死生之苦海誓山月白覺海風
清釣汨沒之眾生歸涅槃之籃籠如斯旨趣即是平生暫歇
釣竿乃留詩曰

家居常寂本優游來執魚竿苦海頭直待眾生都入手
此時方始不垂鈎

曾講弥陀經十徧孤山疏鈔頓舒卷事理圓融文義顯多方
便到頭只勸生蓮苑 本性弥陀隨體現唯心淨土何曾遠
十萬程途從事見休分辨臨終但自親行轉

四色蓮華間綠荷一蓮華載一彌陀莫疑淨土程途遠

日日人生兩點多

我佛蓮華隨步踏黃金妙相青螺髮因地曾將洪誓發四十
八眾生盡度成菩薩 宮殿紅香華影合寶階三道瑠璃閣
水鳥樹林皆念法聲嘈噴空中零乱天華撒

行樹陰陰布七重寶華珠網共玲瓏百千種樂俱鳴處
天兩曼陀散碧空

彼土因何名極樂蓮華九品無三惡雖有頻伽并白鶴非彰
灼如來變化宣流作 九品一生離五濁自然身掛珠瓔珞
宛轉白毫生額角長輝燦百千業障都消却

六方諸佛說誠言舌相三千廣讚宣池上托生蓮九品
未知生向那枝邊

佛讚西方經現在廣長舌相三千界為要衆生信解臨終
蓮不修淨業猶何待 七寶池塘波一派蓮華朵朵車輪大

華內托生真自在分三輩阿鞞跋致長無退

但得蓮中托化來從教經劫未華開華中快樂同忉利
不此人間父母胎

鸞鵲頻伽知幾隻音聲和雅鳴朝夕演暢五根并五力令人
憶心飛恨不身生翼 從是西方十萬億山長水遠誰人識
唯是觀門歸路直真消息坐澄劫水留璃碧

兀坐初修水觀成微風不動翠波靜幽深境界誰人覓
一片瑠璃照眼明

清淨樂邦吾本郡娑婆流浪因貪吝舟舟思歸霜入鬢深嗟
恨塞鴻不解傳音信 落日盡邊沙隱隱向西望處歸應近

天樂是時相援引真精進紫金臺上誰無分
樂邦清淨本吾家既有歸期豈憚餘行計會須勤策進

淹留無慮在天涯

理性本來長自在靈通昭徹光無礙因被無明風惱害真如
海等閑吹動波千派 五蘊山頭雲鬢變遮藏心月無光彩
六賊會須知悔改除貪愛剎那跳出娑婆界

混然凡聖本同途一點靈明體一如只為妄情隨物轉
至今顛倒未逢渠

為厭娑婆求淨土馳情送想存朝暮誰信不勞移一步西方
去樓臺隱隱雲深處珠網為光華作兩金沙布地無塵土
怎不教人思去路心專注坐觀落日如懸鼓

清風為我拂寒飈不許殘雲遮屋角禪居深掩靜無人
坐看一輪紅日落

四相相催生病死死魔不定朝難保爭似寅昏持佛號西方
好樹林水鳥稱三寶磨滅等閑鬚鬢皓然行計唯須早
萬億國邦非遠道休煩惱一彈拍頰能行到

經讚弥陀願力強劣夫為喻從輪王四天一日行周徧
西去應非道路長

人世罪寬知底數前程不是無具府爭似靜焚香一炷無行
住聲聲稱念弥陀父罪業盡消生有處弥陀願力堪憑據
十念一心存早暮西方路功成足步紅蓮去

誰知端坐却能游頃刻心飛到玉樓竹影月移來戶牖
便疑行樹在簷頭

萬事到頭無益已尋思只有修行是若送此心游寶地還容
易坐觀落日當西墜萬頃紅光歸眼際眼開眼閉長明媚
此觀成時知法味心歡喜臨終決定生蓮裏

九品蓮華次第排也應荷葉翠相挨未知何日生蓮界
無柰晨昏甚掛懷

西望樂邦雲杳隔一鈎新月彎彎白意欲往生何計策勞鬼
鬼弥陀一念聲千百 金殿玉樓為屋宅七重行樹強松柏
華裏托生非血脉真高極樂天不是蓬萊客

徧看玉軸與琅函苦勸勞生脫世凡淨土好修還不肯
莫教披却有毛衫

富貴經中談淨域赤珠碼碯為嚴飾彼土衆生當曉色擎衣
械妙華供養他方佛 稚小嬉游隨沒溺娑婆是苦何曾識
忻厭邇來方有力從朝夕靜焚一炷香凝碧

既有身心求淨土可無門路去娑婆修行也只無多字

十念功成一刹那

文墨尖新無處用已將名利渾如夢一弗數珠隨手弄休干
種唯聞念佛心懽勇 混漾空中仙樂動笙簫聲細天風送
接引凡夫歸聖衆香雲捧男兒此日方崇重

覽徧經文與律儀頻頻唯勸念南弥一聲消盡千生業
何況勞勞久誦持

休縱心猿馳意馬牢將繫念繩頭把說破十疑因智者爭傳
寫廬山又結蓮華社十八太賢居會下功成五色雲西駕
諸上善人都在那相迎迓聚頭只說無生話

池邊行樹不全遮，裊裊金橋露半斜。忽見化生新佛子，絳蓮開處噪頻伽。

三十六般包一袋，膿囊臭穢猶貪愛。恰似蜣螂推糞塊，無待朝朝只在塵中駟。若解堅心生重悔，寧拘惡逆并魁膾。

一念能消千劫罪，生華內滿身瓔珞。嗚珂珮紛紛，世態盡空華講外。無餘掛齒牙，一弗數珠新搜線。

阿彌陀佛做冤家，一點神魂初托鬼。青蓮華裏瑠璃宅，毫相法音非間隔。雖明白到頭，不似金臺客。九品高低隨報獲，或經劫數華方拚。

若是我生心性窄，應煎迫未開須把蓮華擘。

菊腦姜牙一飯餘，其他安敢費功夫。從今十指無閑暇，且盡平生弄數珠。

淨土故鄉嗟乍別，天涯流浪經時節。老去染眉鬢，雪思歸切。聞聲願寄遼天月，念念時時修淨業。臨終佛定來迎接，有誓表為誠實說。廣長舌三千徧覆，紅蓮葉。

唯將焚誦是平生，夜夜嘮嘮一二更。隻影自憐塵世外，風前月下恣經行。

善導可嗟今已往，化來老少皆歸嚮。佛念一聲分一錘，聲纔響一聲一佛虛空上。八萬四千奇妙相，光明壽命皆無量。

金色臂垂千萬丈，鵝王掌誓來迎接。歸安養。

暮鼓晨鐘不住催，逡巡容貌變衰頹。莫言白髮遲閑事，
也是無常信息來。

西土紋成東土壤，星飛一點千華界。勿訝神龜生去怪，無滌
礙樂邦只在同居內。八德池深華又大，加趺端坐蓮華載。
耳聽法音心悟解，低頭拜從今跳出胞胎外。

讚西方漁家傲

西余禪師

法端

七寶池中堪下釣，八功德水烟波渺。池底金沙齊布了，周迴
遶黃金砌地為階道。白鶴孔雀鸚鵡，樂彌陀接引聲聲告。
不是修行何得到，一般好西方淨土無煩惱。

望江南十二首

白雲法師

淨圓

娑婆苦

娑婆苦長劫受輪迴，不斷苦因離火宅。祇隨業報入胞胎，辜
負這靈臺。朝又暮寒暑急相催，箇箇幻身能幾日。百端機
巧袞塵埃，何得出頭來。
娑婆苦身曲一浮萍，蚊蚋睫中爭小利。蝸牛角上竊虛名，一
點氣難平。人我盛日夜長無明地，獄爭頭成隊入西方。無
箇肯修行，空死復空生。
娑婆苦情念驟如風，六賊村中無暫息。四蛇篋內更相攻，誰
是主人公。無慧力愛網轉關籠，一向四楞低搭地。不思兩
脚欲稍空，前路更忽忽。

娑婆苦生老病無常九竅腥臊流穢汗一包膿血貯皮囊
弱又爭強 隨妄想耽欲更荒唐念佛看經云著相破齋毀
戒却無妨祇恐有閻王

娑婆苦終日走塵寰不覺年光隨逝水那堪白髮換朱顏
趣任循環 今與古誰肯死前閑危脆利名纜入手虛華財
色便追攀榮辱片時間

娑婆苦光影急如流寵辱悲懼何日了是非人我幾時休
死路悠悠 三界裏水面一浮漚縱使英雄劫蓋世祇留白
骨掩荒丘何似早迴頭

西方好

西方好隨念即起羣一點靈光隨落日萬端塵事付浮雲
个世自紛紛 凝望處決定去棲神金地經行光裏步玉樓
宴坐定中身方好任天真

西方好瓊樹聳高空弥覆七重珠寶網莊嚴百億妙華宮
宮裏衆天童 金地上欄楯繞重重華雨飄飄香散漫樂音
響亮鼓清風聞者樂無窮

西方好七寶梵成池四色好華敷菡萏八功德水泛清漪
除渴又除飢 池岸上樓殿勢飛翬碧玉雕欄填碼碯黃金
危棟闌玻璃隨處發光輝

西方好羣鳥美音聲華下和鳴歌六度光中哀雅讚
乘間

者悟無生 三惡道猶自不知名皆是佛慈親變化欲宣法語警迷情心地頓圓明

西方好清且供尤佳縹緲仙雲隨寶仗輕盈衣襪貯天華十萬去非賒 諸佛土隨念徧河沙蓮掌撫摩親授記潮音清妙響頰伽時至即還家

西方好我佛大慈悲但具三心圓十念即登九品越三祇神力不思議 臨報盡接引定無疑普願衆生同繫念金臺天

樂共迎時彈指到蓮池

樂邦文類卷第五

後方

修淨土者常多得其門而往造者無幾論淨土者常多其其要而直指者或寡矣曾未聞有以自障自蔽為說者因得以言之夫自障者若愛自蔽莫若疑但使疑愛二心無障礙則淨土一門未始間隔

彌陀洪願常自攝持必然之理也昔無為子嘗序天台十疑論有曰愛不重不生娑婆念不一不生極樂斯言可謂之本矣請試以三子訂之昔遠法師新編而西方嘗結蓮社於廬山以淵明則招之貴其能達而新愛也於羣策則拒之為其心雜而念不能專豈非

以二者為淨土之津要乎余於是見淨土之津要乎
昔之云者如是而已益嘗謂今有慕修淨業者當如
淵明可也雖招之不來為願之必達要是骨中了也
一物求念尚不可得何愛之可斷乎故不求則已求只
執樂為抑余嘗擬淨土贊有曰但除自障礙要生
即便生又曰不斷拖泥纜徒加舟楫功益亦有激云
不吾宗宗曉講師既以淨業自力收又推己及物纂集
新文類自經論而下無夫古今名公暨吾釋氏之文
凡有關於淨土悉發揮而載集焉其為書富為
況博勸信甚詳至於示造修不二端而止究其用心可

謂勤且美矣雖然吾恐乃方感其志不之至不
斷愛以自障蔽則又吁可悲也故持表發其後有以
貫之願與同志者一之以專念本之以斷愛而後加
之以善願則淨土門漸可造矣斯文豈徒然哉時
慶元庚申良月圓日南湖柏庭 善月序

寬永庚午仲春

書林道伴梓行

